


बच्चन के ले बाइबिल
देत है



चमत्कार कन्न
बालो आदिमी
एलीशा



द्वारा लिखत: Edward Hughes

द्वारा चित्र: Lazarus
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



हर कौ खींचन के
लै जरूरति भरि
बद्ध नाइ हते।

एक बद्ध की जरूरति अउरु हती। जा
जरूरति एलीशा नाउ के एक जवान
किसान कौ रोकि नाइ पाई! बाने लापता
बद्ध की जगह पर, खुद कौ बद्धन के संग
मा मचाई लौ। बउ एकु मजबूत,
हुशियारु अउरु कठोर परिश्रमु
कन्न बालो आदिमी हतो।





एलीशा जोतति हतो तबहीं, परमेश्वर के भविष्यवक्ता एलियाह ने आई के बाई बुलाओ। बा नौजवान ने परमेश्वर को सेवकु होंन के लै अपनी खेती बाड़ी छोड़ि दई। एक दिन, परमेश्वर ने एक बबंडर के संग मा एलियाह कौ स्वर्ग पर उठाई लौ। अब एलीशा इस्राएल के लै परमेश्वर को भविष्यवक्ता हतो।





एलिय्याह के चले जइवे की बजह से एलीशा बहुत शोक मा हतो, लेकिन बाने परमेश्वर से दुआ करी कि बाउ कौ एलिय्याह के जइसी ताकति मिलई। एलीशा ने एलिय्याह को चदरा उठाओ, अउरु एलिय्याह के जैसे नदी के बहति पानी पर मारो। पानी

अलग-अलग हुई गओ!
अब एलीशा जानि गओ
हतो कि परमेश्वर बाके
के संग मा हंड।





एलीशा जब बेतेल नाऊ के एक नगर मा जाति हतो, कुछ नौजवानन ने “ऊपर जाऊ, कहिके, बाको मजाकु बनाओ। ओ गंजा!” एलीशा परमेश्वर को दासु हतो बाकी उन लोगन ने कोई चिंता नाई करी। उन लोगन के लै एक चंउकाउन बाली घटना घटि गयी। एक दम दुई मादा रिच्छ जंगल मा से बहिरारि आए अउरु उन बियालिश नौजवानन कौ उन्ने फारि डारो।




एक दिन एलीशा एक बिधवा
से मिलो जिसने कर्जा मा रुपिया
उधारु लै हते लेकिन बा
उन रुपियन कौ
चुकता नाइ करि
सकति हती।




अपने कर्जा को रुपिया बसूलन
के बदले मा, कर्जा के देन बाले
आदिमी ने बिधवा अउरुत के
दुई लड़िकन कौ अपनों
नौकरु बनाउन के लै ले
जाति हते। एलीशा ने
बासे कही, “कि जा,
अउरु अपने सबई
पड़ोसिन से ...उनके
खाली बसनन कौ
उधारु मांगि ले।” बा
अउरुत के लै परमेश्वर कुछु
चमत्कारु कन्न जात हते।



बा बिधवा के घर मा तेल को छोटे सो केवल एकइ डब्बा हतो। लेकिन बा छोटेई से डब्बा से बाने बहुतु डब्बन कौ तेल से भरि दौ हतो! अगर उन दिनन मा बाके तीर हनान बाली कठौतिअउ होती, तऊ का तुम नाइ सोंचत हउ कि परमेश्वर बाऊ कौ भरि जरूरइ देते? अउरु बा बिधवा ने बा तेल कौ बेंचि के अपने लड़िकन कौ बचाई लौ।




एक अउरु दूसरी अउरु त
अउरु बाके आदिमी ने,
एलीशा के लै अपने घर मा
एकु ख़ास बइठका बनाओ
कि जब कबहूँ बउ हियाँ
से निकरइ तऊ रूकि
पाबइ। बा बइठका
मा उन्ने एकु बिछौना,
एक मेंज, एक कुर्सी,
अउरु एकु दीबटु लगबाओ।
बउ बइठका सदा के लै
एलीशा के लै अलगगई
राखो गओ हतो।



एलीशा सोंचाति रहति हतो कि बउ जा जोड़ा की दयालुता को बदलो कइसे अदा करइ। जब बाई पता चलि गई कि उनके कोई औलादि नाई हइ, तब बाने बा अउरु त से कुछु अइसो कहो, कि सायिति बउ भरोसो करिवे के लै मुश्किल हतो। “अगिली साल लगभग तुम जाई बखत मा, तुम अपने लड़िका कौ गले लगइअउ।” बिना शंका करे, ठीक बखत पर, एक साल के बादि बच्चा पइदा भौ।



कुछ साल के बाद बेई बच्चा अपने बाप के संग मा खेत मा हतो।
“मेरो मूडु, मेरो मूडु कहिके,” लड़िका चिल्लाओ। जब बाकी अम्मा के
तीर लड़िका कौ लाओ गओ, बउ दुपहर लौ बाके घुटुअन पर बइठो
रहो, अउरु बाके बादि बउ मरि गओ। तब एलीशा के बिछौना पर
अम्मा ने बा लड़िका कौ धरि दौ। किसने बाकी मदति करी हुई तुम
का सोंचत हउ?



का तुमने एलीशा कौ बताओ हइ? हाँ जऊ ठीक हइ। बाकी अम्मा ने एक गदहा पर काठी बाँधी अउरु बाई ढूँढन के लै एक दम से चली गई। एलीशा बाके घरइ आओ, अकेलो ऊपर बइठका मा चलो गओ अउरु बाने परमेश्वर से दुआ करी। परमेश्वर ने लड़िका की जिंदिगी कौ लौटारि दौ हतो। फिरि एलीशा ने बा अउरुत कौ बुलाओ अउरु कही, “अपने लड़िका कौ लेउ।” बा कित्तो खुश भई हुइही।






सीरिया के तीर बाले देश
मा एकु नामान नाउ को
एकु फ़ौज को कमांडर
रहति हतो। बउ बहुतु
मजबूत अउरु बहादुर हतो,
लेकिन बउ एक गंभीर
चरम रोग, जिसई कोढ़ की
बिमारी कहत हइ बउ बासे
परेशान हतो।



नामान की दुलहिन के तीर इस्राएल से लाई भई एक छोटी सी गुलाम लड़िकिनी हती। छोटी लड़िकिनी ने जा कही, “कि अगर मेरो स्वामी नामान परमेश्वर के एक भविष्यवक्ता के तीर जाई जो इस्राएल मा रहति हइ! तऊ बउ अपने जा कोढ़ की बिमारी से ठीक हुई जइही।”



नामान ने एक दाउ भविष्यवक्ता कौ देखन के
लै जतनु बनाओ। बउ उपहार मा चाँदी,
सोना, और अच्छे कपडा संग मा लई गओ।





एलीशा को सेवकु बहिरारि
आओ अउरु कही, “जाऊ
यरदन नदी मा सात दाऊँ
डुबकी लगाबउ अउरु तुम
अपने आपइ ठीक हुई
जईअउ।” नामान बहुतु
गुस्सा भौ। का बउ अपनेइ
देश, सीरिया मा साफु
अउरु ताज़ी नदियन मा
नाइ हनाई सकति हतो?
गुस्सा मा आई के, बउ
अपने घर की तरफ जान के
लै आगे की ओर बढ़ो।





सौभाग्य से नामान के सेवकन
ने, एलीशा के हुकुम कौ
मानन के लै बिनती करी। तब
नामान नींचे गओ अउरु बाने
यरदन नदी मा सात दाऊँ
डुबकी लगाई। अब कोढ़ी
नामान पूरी तरह से ठीक हुई
गओ हतो! तब नामान ने,
सच्चे परमेश्वर की उपासना
करी, एलीशा के परमेश्वर ने,
बाई कोढ़ की बीमारी से ठीक
करि दओ हतो, बहे यहोवा
परमेश्वर हई।





एलीशा के मन्त्र के बादिअउ परमेश्वर अपने सेवक कौ उपयोग मा लेति रहो हतो। एक दिन, एक आदिमी कौ गुफा मा दफनाओ गओ जहां पर एलीशा लम्बे समय पहिले दफनाओ गओ हतो। जब बा आदिमी की लहाशि भविष्यवक्ता की हड्डियन मा छुई, तब बउ मरो भौ आदिमी एक दम जिन्दा हुई गओ अउरु अपने पाइन पर ठाढो हुई गओ। साँची मा परमेश्वर ने अपने

« विश्वास योग्य सेवक, एलीशा के द्वारा अपनी सबसे बड़ी तागति दिखाई दइ हती।



चमत्कार कन्न बालो आदिमी एलीशा
परमेश्वर के वच्चन से बाइबिल की एक कहानी
में पायी जाती है

2 राजा २ - १३

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

